













*Le Mercure François,*

Vostre Reuerence s'estonnera peut-estre de ce que i'ay enuoyé le Pere Brebeuf qui auoit dès à quelque commencement à la langue de ceste nation, mais les talents que Dieu luy a departy m'y ont fait resoudre; le fruiet que l'on attend de ces nations là estant bien autre que celuy que l'on espere de celle-cy. S'il plaist à Dieu benir leurs trauaux, nous aurons grand besoin d'ouuriers; les dispositions du costé des Sauuages sont telles qu'on en peut esperer quelque chose de bon. Le Truchement ayant demandé en ma presence à lvn de leurs Capitaines s'ils seroient tous contens que quelques-vns des nostres allassent demeurer en leur pays pour leur apprendre à cognoistre Dieu, il respondit qu'il ne falloit demander cela, & qu'ils ne souhaittoient rien tant; puis ayans consideré la maison des Recollects où nous estions, il adjousta, Qu'à la verité ils ne pourroient pas nous bastir vne maison de pierre semblable à celle-là, mais demandez leur (dit-il au Truchement) s'ils seroient contens de trouuer à leur arriuee vne cabane faite semblable aux nostres. Il ne pouuoit nous tefmoigner plus d'affection; De plus il y a eu de la sterilité dans leur pays ceste annee, & ils l'attribuent à cause qu'ils n'y ont point eu de Religieux: Tout cela nous fait bien esperer.

Pour ceux de ceste nation ie les ay fait sommer de respondre, s'ils ne vouloient pas se faire instruire, & nous donner leurs enfans pour le meisme sujet:ils nous ont tous respôdu qu'ils le desiroient. Ils attendent que nous ayons ba-







